



Broj: 02-15-41/10
Brčko: 11.06.2010. godine

Na osnovu člana 65. stav 1. tačka 16. Zakona o papirima od vrijednosti («Službeni glasnik Brčko distrikta BiH» broj: 15/03) i člana 6. stav 1. tačka 16. Statuta Komisije za papire od vrijednosti Brčko distrikta BiH («Službeni glasnik Brčko distrikta BiH» broj: 10/04), Komisija za papire od vrijednosti Brčko distrikta BiH, na 112 sjednici održanoj dana 11.06.2010. godine, donosi

ODLUKU
O UTVRĐIVANJU VRSTE I VISINE NAKNADA ZA USLUGE
CENTRALNOG REGISTRA KOMISIJE ZA PAPIRE OD VRIJEDNOSTI
BRČKO DISTRIKTA BIH

Član 1.
(Predmet)

Ovom odlukom utvrđuju se vrste i visine naknada koje se plaćaju za usluge koje obavlja Centralni registar Komisije za papire od vrijednosti Brčko distrikta Bosne i Hercegovine (u daljnjem tekstu: Centralni registar).

Član 2.
(Vrste usluga Centralnog registra)

Vrste usluga koje Centralni registar pruža korisnicima su:

- a) Registracija podataka o emitentima, papirima od vrijednosti i vlasnicima papira od vrijednosti;
- b) Vođenje registra papira od vrijednosti;
- c) Prenos papira od vrijednosti;
- d) Upis založnog prava i ograničenja raspolaganja na papirima od vrijednosti
- e) Provođenje korporativnih radnji;
- f) Ostale usluge vezane za registraciju podataka o papirima od vrijednosti.

Član 3.
(Registracija podataka o emitentima, papirima od vrijednosti i
vlasnicima papira od vrijednosti)

(1) Usluga registracije podataka o emitentima, papirima od vrijednosti i vlasnicima papira od vrijednosti obuhvata:

- a) obradu ugovora o registraciji u Centralnom registru;

- b) upis svih podataka o emitentu, papirima od vrijednosti emitenta, otvaranje računa emitenta i vlasnika papira od vrijednosti;
 - c) dostavljanje liste dioničara, odnosno, liste vlasnika papira od vrijednosti emitentu, po izvršenoj registraciji podataka o papirima od vrijednosti i vlasnicima papira od vrijednosti u sistemu registracije;
 - d) izradu i dostavljanje certifikata-izvoda o stanju na računu svim vlasnicima papira od vrijednosti.
- (2) Naknada za usluge iz stava (1) ovog člana obračunava se prema:
- a) visini dioničkog kapitala odnosno vrijednosti emisije obveznica;
 - b) prema broju vlasnika papira od vrijednosti.
- (3) Naknada prema visini kapitala, odnosno vrijednosti emisije obveznica iznosi:
- | | |
|---|--------------|
| a) do 499.999,00 KM | 500,00 KM |
| b) od 500.000,00 KM do 1.000.000,00 KM | 1.000,00 KM |
| c) od 1.000.001,00 KM do 3.000.000,00 KM | 1.500,00 KM |
| d) od 3.000.001,00 KM do 7.000.000,00 KM | 2.000,00 KM |
| e) od 7.000.001,00 KM do 10.000.000,00 KM | 2.500,00 KM |
| f) preko 10.000.001,00 KM | 3.000,00 KM. |
- (4) Naknada prema broju vlasnika papira od vrijednosti iznosi 1,00 KM po vlasniku papira od vrijednosti.
- (5) Naknadu za registraciju podataka o emitentima, papirima od vrijednosti i vlasnicima papira od vrijednosti emitent plaća nakon potpisivanju ugovora o vršenju poslova registracije, čuvanja i održavanja podataka o papirima od vrijednosti, zaključenog između Komisije za papire od vrijednosti Brčko distrikta BiH, Centralni registar papira od vrijednosti Brčko i emitenta.

Član 4.

(Vođenje registra papira od vrijednosti)

- (1) Usluga vođenja registra papira od vrijednosti su:
- a) usluga vođenja registra papira od vrijednosti-dionica i
 - b) usluga vođenja dužničkih papira od vrijednosti-obveznica.
- (2) Usluge iz stava (1) tačke a) i b) ovog člana obuhvataju:
- a) usklađivanje promjena adrese, imena ili naziva emitenta i vlasnika papira od vrijednosti;
 - b) usklađivanje promjena JMB;
 - c) dostavljanje liste dioničara emitentu jedanput godišnje;
 - d) obavještanje vlasnika papira od vrijednosti o stanju na računu nakon promjene na računu (na kraju mjeseca u kojem je promjena nastala).
- (3) Naknada za usluge iz stava (1) tačka a) ovog člana iznosi 1.200,00 KM uz dodatnih 1,50 KM po vlasniku papira od vrijednosti.
- (4) Naknada iz stava (1) tačka b) ovog člana obračunava se prema nominalnoj vrijednosti emisije i broju godina dospelosti .

(5) Naknada prema nominalnoj vrijednosti emisije se obračunava, kako slijedi:

a) do milion	0,39%
b) od 1 do 5 miliona	0,29%
c) od 5 do 10 miliona	0,22%
d) od 10 do 50 miliona	0,15%
e) preko 50 miliona	0,075%

(6) Naknada prema broju godina dospelosti se obračunava tako da se iznos obračunat po osnovu nominalne vrijednosti emisije podijeli sa brojem godina dospelosti.

(7) Naknada iz stavova (3) i (5) ovog člana, obračunava se kvartalno i pregled obračunatih naknada se dostavlja Direkciji za finansije Brčko distrikta BiH na fakturisanje (u daljem tekstu: Direkcija).

(8) Ukoliko je emitent obveznica Brčko distrikt BiH (u daljem tekstu: Distrikt) obračun i plaćanje naknada iz stavova (3) i (5) ovog člana reguliše se Ugovorom između Komisije, Direkcije i Registara.

Član 5.

(Prenos papira od vrijednosti)

(1) Usluge prenosa papira od vrijednosti su:

- prenos papira od vrijednosti na osnovu zaključenih pravnih poslova darovanjem;
- prenos papira od vrijednosti na osnovu sudske odluke ili odluke drugog nadležnog organa;
- prenos papira od vrijednosti na osnovu naslijeđivanja;
- prenos papira od vrijednosti s računa vlasnika u Centralnom registru na račun istog vlasnika u okviru člana sistema Centralnog registra;
- prenos papira od vrijednosti s računa vlasnika u okviru članu sistema Centralnog registra papira od vrijednosti na račun istog vlasnika u okviru drugog člana sistema Centralnog registra.

(2) Naknada za usluge iz stava (1) tačka a) obračunava se u iznosu od 0,5% od nominalne vrijednosti transakcije, a najmanje u iznosu od 10,00 KM, izuzev za darovanja između članova uže obitelji (roditelja, supružnika, djece rođene u braku ili izvan braka, braće i sestara) za koje se naknada obračunava u iznosu od 0,1% od nominalne vrijednosti transakcije a najmanje u iznosu od 10,00 KM, a prenos se vrši na osnovu neposrednog naloga prijave člana Centralnog registra, odnosno vlasnika papira od vrijednosti.

(3) Naknada za usluge iz stava (1) tačka b) iznosi 35,00 KM, a prenos se vrši na osnovu neposrednog naloga prijave člana Centralnog registra, odnosno vlasnika papira od vrijednosti.

(4) Naknada za usluge iz stava (1) tačka c) iznosi 10,00 KM po nasljedniku.

(5) Naknada za usluge iz stava (1) tačka d) iznosi 2,00 KM a prenos se vrši na osnovu zahtjeva vlasnika.

(6) Naknada za usluge iz stava (1) tačka e) iznosi 2,00 KM, a prenos se vrši na osnovu zahtjeva vlasnika.

Član 6.

(Upis založnog prava i ograničenja raspolaganja na papirima od vrijednosti)

(1) Usluge upisa založnog prava i ograničenja raspolaganja na papirima od vrijednosti obračunava su:

- a) upis i brisanje zaloga papira od vrijednosti
- b) upis ograničenja raspolaganja na papirima od vrijednosti
- c) brisanje ograničenja raspolaganja na papirima od vrijednosti
- d) upis promjene podataka na upisanom ograničenju raspolaganja.

(2) Naknada za usluge iz stava (1) tačka a) obračunava se u iznosu 0,1% od nominalne vrijednosti papira od vrijednosti koji se stavljaju u zalog, a najmanje u iznosu od 20,00 KM.

(3) Naknada za usluge iz stava (1) tačka b) obračunava se u iznosu od 10,00 KM po nalogu za upis ograničenja raspolaganja.

(4) Naknada za usluge iz stava (1) tačka c) obračunava se u iznosu od 5,00 KM po nalogu za brisanje ograničenja raspolaganja.

(5) Naknada za usluge iz stava (1) tačka d) obračunava se u iznosu od 5,00 KM po nalogu za promjenu podataka.

Član 7.

(Provođenje korporativnih radnji)

(1) Usluga korporativnih radnji obuhvata:

- a) povećanje temeljnog kapitala;
- b) smanjenje temeljnog kapitala;
- c) istovremeno povećanje uz smanjenje temeljnog kapitala;
- d) promjena oblika društva (spajanje, pripajanje i promjena oblika iz d.d. u d.o.o.);
- e) konverzija, denominacija papira od vrijednosti i
- f) spajanje i podjela dionica.
- g)

(2) Naknada za usluge iz stava (1) ovog člana iznosi:

- a) za izvršavanje korporativne radnje u sistemu registracije iznosi 800,00 KM;
- b) za uspostavljanje novih podataka po vlasniku papira od vrijednosti i izvještavanja o stanju na računu za dionička društva do 3.000 dioničara iznosi 1,00 KM po dioničaru;
- c) za uspostavljanje novih podataka po vlasniku papira od vrijednosti i izvještavanja o stanju na računu za dionička društva preko 3.000 dioničara iznosi 0,60 KM po dioničaru.

Član 8.

(Ostale usluge vezane za registraciju podataka o papirima od vrijednosti)

(1) Ostale usluge vezane za registraciju podataka o papirima od vrijednosti su :

- a) izdavanje izvoda iz registra papira od vrijednosti na zahtjev emitenta i vlasnika papira od vrijednosti;
- b) promjena jedinstvenog identifikacijskog broja računa papira od vrijednosti na zahtjev vlasnika;
- c) dodjeljivanje privremenog registarskog identifikacijskog broja vlasnika papira od vrijednosti;
- d) izdavanje liste dioničara/vlasnika papira od vrijednosti u pisanoj formi;
- e) izdavanje liste dioničara/vlasnika papira od vrijednosti u elektronskoj formi;
- f) obračun kamate i glavnice za emitenta po kuponu za jednu obveznicu.

(2) Naknada za usluge iz stava (1) tačka a) ovog člana iznosi 6,00KM.

(3) Naknada za usluge iz stava (1) tačka b) ovog člana iznosi 10,00KM.

(4) Naknada za usluge iz stava (1) tačka c) ovog člana iznosi 5,00KM.

(5) Naknada za usluge iz stava (1) tačka d) ovog člana iznosi 10,00KM i dodatnih 1 KM/po stranici.

(6) Naknada za usluge iz stava (1) tačka e) ovog člana iznosi 10,00KM i dodatnih 0,1 KM/po vlasniku.

(7) Naknada za usluge iz stava (1) tačka f) ovog člana iznosi 1000,00KM.

Član 9. (Uplate naknada)

Uplata naknada iz ove odluke vrši se na Jedinstveni račun Trezora Brčko distrikta BiH, vrsta prihoda 722542.

Član 10. (Drugi stvarni troškovi)

Pored naknade za obavljanje usluga utvrđenih ovom odlukom, Centralni registar može korisnicima usluga obračunati i druge stvarne troškove koji nisu navedeni u ovoj odluci, ako je to posebno dogovoreno sa korisnicima usluga.

Član 11. (Prestanak primjene dosadašnje Odluke)

Danom stupanja na snagu ove Odluke stavlja se van snage Odluka o vrsti i visini naknade za usluge centralnog registra papira od vrijednosti („ Sl. glasnik Brčko distrikt BiH“ broj: 43/04, 14/07,3/08 i 13/08).

Član 12. (Stupanje na snagu)

Ova odluka stupa na snagu danom donošenja, primjenjuje se od 01.07.2010. godine i objavit će se u «Službenom glasniku Brčko distrikta BiH».

**Predsjednik
Komisije za papire od vrijednosti
Brčko distrikta BiH**

Mirsad Bešlić

O b r a z l o ž e n j e

I. PRAVNI OSNOV

Članom 14 Zakona o izmirenju obaveza po osnovu računa stare devizne štednje ("Službeni glasnik BiH", broj: 28/06,76/06 i 72/07) propisano je da je Komisija dužna: registrovati emisiju; otvoriti i voditi račune vlasnika obveznica; izvršiti registraciju i čuvati podatke o sticanju vlasništva i pravima iz obveznica; izdavati izvještaje, izvode i potvrde o stanju i promjenama na računima vlasnika obveznica u skladu s propisima koji uređuju tržište papira od vrijednosti i aktima Komisije, te članom 15 navedenog Zakona propisano je da je Komisija dužna: registrovati emisiju; otvoriti i voditi račune vlasnika obveznica; izvršiti registraciju i čuvati podatke o sticanju vlasništva i pravima iz obveznica; izdavati izvještaje, izvode i potvrde o stanju i promjenama na računima vlasnika obveznica u skladu s propisima koji uređuju tržište papira od vrijednosti i aktima Komisije i članom 11. istog Zakona propisano je da „ poslove po osnovu emisije obveznica obavlja Direkcija“

II. RAZLOZI ZA DONOŠENJE

Shodno odredbama Zakona o izmirenju obaveza po osnovu računa stare devizne štednje emisijom obveznica u Brčko Distriktu BiH, Zakona o papirima od vrijednosti („Službeni glasnik Brčko Distrikta BiH“ br.15/03,27/04,42/04,28/07), te Zakona o preuzimanju dioničarskih društava („Službeni glasnik Brčko Distrikta BiH“ br.31/05) propisane su obaveze i poslovi Komisije, za koje naravno treba naplaćivati naknade, a što je redovan način rada entitetskih Komisija za papire od vrijednosti.

III. FINANSIJSKA SREDSTVA

Ova Odluka nema negativnih finansijskih implikacija, nego pozitivne implikacije obzirom da obezbjeđuje prihod na JRT od oko 30.000,00KM.

Broj:
Brčko:

BOSNA I HERCEGOVINA
BRČKO DISTRIKT
ODSJEK ZA EVROPSKE INTEGRACIJE

Predmet: Dostava radnih teza za izradu Odluke za utvrđivanje vrste i visine naknada za usluge centralnog registra Komisije za papire od vrijednosti Brčko distrikta B I H

U skladu sa članom članom 5. Odluke o procedurama u postupku prilagodbe propisa Brčko distrikta BiH sa *acquis communautaire* („Službeni glasnik Brčko distrikta BiH“, broj 25/09), dostavljamo vam radne teze za izradu Odluke za utvrđivanje vrste i visine naknada za usluge centralnog registra Komisije za papire od vrijednosti Brčko distrikta BiH, koje je sačinila radna grupa za izradu ovog opšteg akta i koje su odobrene od strane redlagača.

S poštovanjem,

**Predsjednik
Komisije za papire od vrijednosti
Brčko distrikta BiH**

Mirsad Bešlić

Broj:
Brčko:

RADNE TEZE
ZA IZRADU Odluke za utvrđivanje vrste i visine naknada za usluge centralnog registra Komisije za papire od vrijednosti Brčko distrikta B I H

Radna grupa imenovana rješenjem Predsjednika Komisije za papire od vrijednosti Brčko distrikta BiH u sastavu :

- a. Zijada Zahirović, predsjednik
- b. Mirsad Bešliagić, član
- c. Ljubica Tomić, član
- d. Admira Mujić, član

je na sastanku održanom 05.01.2010. godine usvojila teze za izradu prijedloga nacrta Odluke za utvrđivanje vrste i visine naknada za usluge centralnog registra Komisije za papire od vrijednosti Brčko distrikta B I H .

Odluka za utvrđivanje vrste i visine naknada za usluge centralnog registra Komisije za papire od vrijednosti Brčko distrikta B I H treba da se sastoji oddijelova kojima će se definisati sljedeće:

1. OPŠTE ODREDBE (predmet Odluke, usluge centralnog registra, registracija podataka o o emitentima, papirima od vrijednosti i vlasnicima papira od vrijednosti; vođenje registra papira od vrijednosti; prenos papira od vrijednosti; upis založnog prava i ograničenja raspolaganja na papirima od vrijednosti; provođenje korporativnih radnji; članstvo u sistemu Centralnog registra; ostale usluge vezano za registraciju podataka o papirima od vrijednosti).
2. PRELAZNE ODREDBE (način uplate naknada, drugi stvarni troškovi)
3. ZAVRŠNE ODREDBE (prestanak primjene dosadašnje odluke i stupanje na snagu).

Članovi komisije:

- a. Zijada Zahirović, predsjednik
- b. Mirsad Bešliagić, član
- c. Ljubica Tomić, član
- d. Admira Mujić, član

Broj:
Brčko:

- SVIM ODJELJENJIMA VLADE BRČKO DISTRIKTA BiH
- KANCELARIJA GRADONAČELNIKA - ODSJEK ZA ZAKONODAVNU
AKTIVNOST
- KANCELARIJA ZA UPRAVLJANJE JAVNOM IMOVINOM

- KANCELARIJA KOORDINATORA PRI VIJEĆU MINISTARA BIH
- POLICIJA DISTRIKTA
- PRAVOBRANILAŠTVU BRČKO DISTRIKTA BiH
- PRAVOSUDNOJ KOMISIJI BRČKO DISTRIKTA BiH
- OSNOVNOM SUDU BRČKO DISTRIKTA BiH
- APELACIONOM SUDU BRČKO DISTRIKTA BiH
- TUŽILAŠTVU BRČKO DISTRIKTA BiH
- KANCELARIJI ZA PRAVNU POMOĆ BRČKO DISTRIKTA BiH

Predmet : Dostava Prednacrtu Zakona o porezu na dohodak, na komentar- traži se.

U skladu sa članom 13. Odluke o proceduri izrade nacrtu zakona i drugih propisa („Službeni glasnik Brčko distrikta BiH“, broj 39/07), dostavljamo vam Prednacrt Zakona o porezu na dohodak na komentare.

Molimo vas, da svoje komentare dostavite u roku od 8 dana, te vas istovremeno obavještavamo da će se prezentacija prednacrtu Zakona održati u edukacijskoj sali Direkcije za finansije, u petak 09.10.2009.godine sa početkom u 11,00 sati.

S poštovanjem,

Broj: 15-02-41/10
Brčko: 18.02.2010. godine

DIREKCIJA ZA FINANSIJE

Komisija za izradu budžetskih analiza na nacрте zakona i prijedloge odluka

Predmet: Budžetske implikacije

U skladu sa članom 4. stav 1. Upustva o načinu i postupku izrade budžetske analize na nacрте zakona i prijedloge odluka (Službeni glasnik Brčko distrikta BiH br. 33/07) dostavljamo vam tekst Odluke o utvrđivanju vrste i visine taksa za usluge Centralnog registra Komisije za papire od vrijednosti Brčko distrikta BiH radi sagledavanja budžetskih implikacija, naznačene Odluke.

Pored teksta Odluke dostavljamo vam i Obrazac **BIO**.

Prilog: Prednacrt Odluke
Obrazac BIO

Dostaviti:

1. Direkciji za finansije
Komisija za izradu budžetskih analiza na nacрте zakona i prijedloge odluka
2. Arhivi

**Predsjednik
Komisije za papire od vrijednosti
Brčko distrikta BiH**

Mirsad Bešlić

PROCJENA TROŠKOVA

DATUM: 18.02.2010. godine

Naziv propisa: Odluka o utvrđivanju vrste i visine taksa za usluge Centralnog registra Komisije za papire od vrijednosti Brčko distrikta BiH

Nadležni organ: Komisija za papire od vrijednosti Brčko distrikta BiH

Da li će za primjenu ovog propisa biti potrebni dodatni kadrovi?

Ne

Da li će za primjenu ovog propisa biti potrebna dodatna stalna sredstva, oprema kao i druga budžetska izdvajanja?

Da

Da li smatrate da će primjena ovog propisa uticati na povećanje/smanjenje prihoda?

Prema procjeni Komisije koja je radila na izradi prednacrtu ove Odluke budžetske implikacije koje će nastati ogledaju se u tome da će se prihodi Komisije za papire od vrijednosti Brčko distrikta BiH iznositi oko 30.00,00KM, znači povećanje prihoda za ovaj iznos.

Rukovodilac: _____

Broj:
Brčko:

**BRČKO DISTRIKTA BIH
PRAVOBRANILAŠTVO**

Predmet: Mišljenje, – traži se

U skladu sa članom 16. stav 2 tačka d Odluke o proceduri izrade nacrtu zakona i drugih propisa (Službeni glasnik Brčko distrikta BiH br. 39/07), kao i člana 15. Zakona o Pravobranilaštvu dostavljamo vam tekst Zakona o Poreskoj upravi radi davanja vašeg mišljenja.

S poštovanjem.

Prilog:

Tekst predloga nacrtu zakona
Rješenje o imenovanju komisije
Budžetska analiza

DIREKTOR DIREKCIJE

Mato Lučić, dipl.ecc.